



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XXXII. Consuetudo rationalibus, & legitimè præscripta, legi derogat
humanæ, tamesti nulla consuetudo derogare possit legi naturali, vel
divinæ.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

tari, lex in particulari cefat, falsum supponit, nec solum idem rejecienda est, sed & ob gravissima inconvenientia, ex illa opinione consecataria, dum latissimam aperit januam, ut unusquisque pro affectu suo judicet, finem legis hic & nunc in se cessare, seque idem possit onus illius excutere. Monialis quippe facile existimaret sibi non inesse periculum incontinentiae, ideoque se non teneri lege clausuræ. Alius, cui matrimonium clandestinum est interdictum, facile sibi persuaderet in se non esse periculum fraudis, & adulteriorum. Et sic de aliis. Merito proinde opinio illa in Congregatione Lovaniensi Provincia Belgicae, nostri Carmelitici Ordinis, Lectoribus omnibus prohibita fuit.

²⁴⁵ Dices 1^o. Obligatio legis omnes particulariter & singulariter afficit: ergo finis legis debet omnes particulariter & singulariter respicere.

Respondeo negando consequentiam. Quia obligatio legis ideo omnes particulariter & singulariter afficit, quia omnes particulariter & singulariter sunt partes & membra Communitatis, sive quia ex particularibus & singulis conflatur Communitas, cuius intenditur bonum. Ex particularibus vero & singulis non ideo conflatur Communitas, ut a Rectore Communitatis semper intendatur, & procuretur bonum singulorum & particularium, quam talium; sed Communitas, ut talis.

²⁴⁷ Dices 2^o. Saltem finis legis directe magis respicientis bonum privatum singulorum, quam generale Communitatis, plerumque cefat in particulari, quin cefat in communione. Et consequenter talis lex cefat, &c.

Respondeo: Sive lex directe magis respiciat bonum generale Communitatis, quam privatorum, sive directe magis respiciat bonum privatum singulorum, quam Communitatis; si tamen finis ipsius sit remotio malorum, vel promocio boni, ut in pluribus (prout ferè semper accidit) finis eius nunquam cefat in particulari, quin cefat in communione. Ob rationem n. 144. allatam. Et ostenditur in legibus naturalibus, quae licet directe magis respiciant privatum cujusque bonum, quam Communitatis (utpote immediate, & per se primò late in singulas personas, potius quam in Communitates, ideoque non aliter promulgatae, nisi quatenus singulorum cordibus insculptæ) quia tamen finis legis naturalis prohibent fornicationem v. g. non est vitatio damni prolixi particulariter, sed communiter, sive in pluribus aliquin imminentis; finis istius prohibitionis nunquam cefat in particulari, quia nunquam cefat in communione. Idem ostenditur in lege jejuniæ, quae licet directe & immediate magis respiciat bonum cujusque in particulari, quam Communitatis, Ecclesia tamen, jejunium instituens, attendit ad id quod communius accidit. Et ideo non obligat ad illud ante finem tertium.

septennii, quia non obligat eos, qui sunt in statu accretionis, quod, ut in pluribus, est usque ad finem tertii septennii, inquit S. Thomas 2. 2. q. 147. a. 4. ad 2. Similiter in lege præcipiente abstinentiam à carnis, attendit ad ea quæ communiter accidunt; ideoque non obligat ante septennium (quamvis usus rationis alicui accidet ante septennium) quia scilicet homines communiter, & ut plurimum non adipiscuntur usum rationis ante septennium.

²⁴⁸ Fateor tamen, quod si quando finis legis est particularere bonum alicujus, ubi bonum istud non speratur respectu ipsius, obligatio istius legis cefat. Unde quia finis legis fraternalis correctionis est emendatio fratri, non communiter, sed particulariter hic & nunc speratur (prout omnes communiter docent, atque ex Evangelio colligitur) ubi particulariter cefat iste finis, sive dum particulariter hic & nunc fratri emendatio non speratur, lex correctionis pro casu illo particulari non obligat.

Fateor etiam, quod quandocumque finis legis contrariæ cefat in casu particulari, in eo legis obligatio cefat. Finis enim legis contrariæ cessare tunc censetur, quando legis observantiam contingit esse noxiæ, & damnosam. At nullus tenetur ad observantiam legis, pro casu quo noxia est & damnosum, ut vidimus n. 239.

C A P U T XXXII.

Consuetudo rationabilis, & legitimè prescripta, legi derogat humana, tametsi nulla consuetudo derogare possit legi naturali, vel divina.

²⁴⁹ Quid nullum consuetudo derogare possit legi divinae positivæ, S. Thomas 1. 2. q. 97. a. 3. ad 1. probat ex eo quod lex divina, cum procedat à voluntate Dei, non potest mutari per confuetudinem procedentem à voluntate hominis. Unde nullum ratione licita est consuetudo damnatis ad mortem denegans tempus recipiendi Sacramentum Peccatiæ, & Communionis. Cum legi divinae contraria sit.

Quod autem nullum etiam consuetudo legi naturali derogare queat, constat ex cap. fin. de consuetudine, ubi Pontifex dicit, quod nemo sane mentis intelligit naturali legi (cujus transgressio periculum salutis inducit) quacumque consuetudine (que dicenda est verius in hac parte corruptela) posse aliquatenus derogari. Constat iterum ex eo quod omnis consuetudo contra legem naturalem, irrationalis sit, utpote contraria æquitati, & rectæ rationi. Verum enim vero quemadmodum veritati, sic recte ratione & æquitati rationabilis consuetudo cedere debet, juxta illud: *Nemo consuetudinem rationi, & veritati preparat: quia consuetudinem ratio, & veritas semper excludit.* can. 4. dist. 9. Si quidem in Evan-

40

gilio Dominus : *Ego sum (inquit) veritas; non dixit : Ego sum consuetudo. Itaque revelatione faciat veritatis, cedat consuetudo veritati. Ibi dem can. 5.*

252. Hinc nullā consuetudine abrogari possunt, quae in sacris canonibus jure naturali praecep ta, vel prohibita inveniuntur. Si enim non sunt quatenus praecepta, vel prohibita jure positivo, semper sunt quā praecepta, vel prohibita jure naturali. Ideo non obstante quācumque consuetudine, semper subsunt quācumque statuta sunt in Concilio Tridentino facti. 22. cap. 1. de reform. de luxu, co mestationibus, choreis, aleis, lusibus, & sacerdotalibus negotiis à Clericis fugiendis. Semper (inquam) subsunt, quatenus ex jure naturali deponpta.

253. Denique quod consuetudo rationabilis & legitimè præscripta legi deroget humanæ, expressè habetur cap. ult. de consuetudine. Ibi namque Gregorius IX. dicit, consuetudinem posse juri positivo (puta humano) præjudicium generare, si rationabilis fuerit, & legumè præscripta.

254. Duo proinde requiruntur ad consuetudinem humanæ legi derogantem: primum, quod sit rationabilis, nec proinde contraria legi divinæ, vel naturali (ob ea quā dixi. 250. & 251.) nec peccandi occasionem, vel periculum inducens, nec aliā ratione bono communī adverfa, nec proinde onerosa Ecclesiæ, ejusve immunitati, nec noxia disciplinae, nec judicarii ordinis eversiva, &c. Si enim talis sit, communi bono, atque adeò recta rationi adversatur. Propterea cap. si Episcopus de penit. & remiss. in 6. dicitur, quod nullā potest consuetudine introduci, quod aliquis, prater fī Superioris licentiam, Confessorem sibi eligere valeat, qui eum possit solvere, vel ligare. Quia scilicet omnis ejusmodi consuetudo, contraria est communi bono, rectoque regimini subditorum. Est proinde irrationabilis, sicut & omnis consuetudo, quæ jure reprobatur. Qualis non est omnis consuetudo actū lege prohibiti (aliā nulla consuetudo derogare posset legi : cum omnis consuetudo legi derogans sit consuetudo actū lege prohibiti) sed quæ jure reprobatur tanquam corruptela. Quod tamen non sit per omnem legem reprobantem, & abrogantem consuetudinem his verbis: *non obstante quācumque consuetudine in contrarium.* Quia lex hoc dicens, ex communi sensu Doctorum, solum censetur reprobare & abrogare consuetudines antecedentes, non subflequentes. Nisi forte dicat: *non obstante quācumque consuetudine in futurum.*

255. Si dicas 1^o consuetudinem legi rationabili contraria, esse non posse rationabilem, cùm rationabile rationabili contrarium esse nequeat. 2^o consuetudinem legi contrariam semper incipere à peccato, sive à transgre-

fione legis; ac per consequens semper in principio esse irrationabilem. 3^o propterēa jure canonico (cap. consuetudinis dist. 11.) & civili (L. 2. Cod. quæ sit longa consuetudo) caustum esse, ne consuetudo legem abroget, ei ve prævaleat.

Ad 1. respondeo, consuetudinem legi contraria, semper esse irrationabilem in principio, & in fieri; secus in facto esse, quandojam accedit exp̄s̄, vel tacitus consenſus Principis; et quod utique publico bono conveniens ipsi videatur, non jam amplius exigere legis observantiam, ne in circumstantiis invalecentis consuetudinis peccandi occasionem præbeat, majoraque mala causet, quam bona.

Ad 3. respondeo, in juribus illis sermonem 256 esse de consuetudine, vel irrationabili, vel legitimè non præscripta. Jura namque illa concordanta sunt relato capiti ultimo de consuetudine.

Secundum, quod requiritur ad consuetudinem legi derogantem, est quod sit legitimè præscripta, id est ut tanto tempore duraret, quantum requiritur ad legitimè præscribendum contra legem. Neque enim legi derogat consuetudo statim atque incipit, sed ordinariè peccant primi Authores illius, donec sufficiens tempus ad legitimam præscriptionem excurrat.

Sed observandum, consuetudinem dupl 258 citer posse legi derogare. 1^o viā conniventer Principis. 2^o. viā præscriptionis. Prior modo non derogat legi sine scientia & consensu (saltem tacito) Principis. Eo vero consensu posito, non requiritur certum temporis spatium ad derogandum legi. Cum eo ipso derogetur legi, quo Princeps in derogationem consentit. Posteriori vero modo consuetudo legi derogat sine speciali scientia & consensu Principis (utpote qui non requiritur ad præscriptionem, sed sufficit tempus præscriptioni statutum) non tamē sine consensu generali, seu legali, quo generali lege vim tribuit præscriptioni, atque adeò consuetudini legitimè præscripta.

Porrò ad præscribendum contra legem ci vilem, Doctores communiter ordinariè requirunt tempus decem annorum; contra legem vero canonicaem, tempus quadraginta annorum. Quia ad præscribendum contra legem tempus longum requiritur. Quod jure civili decennium esse censetur. L. *Super longi C. de præscript. longi temp. Jure vero canonico ordinarium præscriptionis tempus esse censetur 40. annorum. cap. de quarta & cap. ad aures de præscript.* Nec tamen tempus istud sufficit, dum lex contraria consuetudini resistit. Quia nec præscriptio vim obtinet, dum ei resistit voluntas Legislatoris

CAPUT